



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 54. Quid circa Ministrum sit addendum.

**urn:nbn:de:hbz:466:1-42624**

quia, non enim dicitur debere sed tantum posse  
festi, Neuffer, Gob. Litt. H.

382.

§. 9. Si festum Sancti, de quo habetur Reliquia, sit v.g. secundæ classis, posse eo die ob reliquias evehi ad altiorem ritum primæ classis, docent Quintanadv. Pasq. Gob. suprà. Putat etiam Neuffer festum de Reliquia posse transferri, si sanctus sit titularis, quia de eo ut titulari agendum est in die festi.

383.

§. 10. Ut Missa de Reliquiis & officium haberi possit, prærequisitur, ut Ordinarius illas approbabit, sic enim habet decretum L. 4. n. 1250. relatum. Potest autem Ordinarius approbare extra Diœcesin existens, cum sit actu jurisdictionis non contentiouse. Quod si saltem per decem annos culta fuerit talis Reliquia, non requiretur alia approbatio, Neuffer, Gob. Litt. G. & H.

384.

§. 11. Potest celebrari Missa & officium de insignibus Reliquiis approbatis, etiamsi sint ita mixtae non approbatis, ut discerni nequeant, Bonac. Trull. Neuss. Gob. Litt. H.

385.

Q. 54. Quid circa Ministrum sit addendum. Rx. seqq. §. 1. Laym L. 5. t. 5. c. 6. n. 13. & Sporer n. 390. non damnant eos, qui in Germania, maximè in pagis, ubi talis usus est & toleratur, celebrant sine Ministro, qui respondere noverit. Putantque probabile aliqui apud Henao n. 1628. posse celebrari sine Ministro, si alias multis diebus etiam tantum ferialibus omittere deberes. Sacrificium: quod Suar. Lugo, Côn. Sylv. Aversaq. 11. f. 9. Sporer n. 389. dicunt saltem de festo, si alias non audires Missam: Quod magis valet, ut Viaticum habeas pro moribundo.

386.

§. 2. Si quis debeat se alere celebrando, po-

test

est tempore pestis sine Ministro celebrare ,  
quando ab hoc esset periculum contagionis,  
*Pasq. q. 340.*

§. 3. *Sot. Palud.* & alii putant Eremitam per-  
petuò posse celebrare sine Ministro , & favet  
*Pasq.q. 341.*, quia Ecclesia videtur id permettere  
propter perfectionem illius statūs ; sed *Suar.*  
*Tamb.* & alii cum *Aversa* contradicunt , nullum  
enim pro eo reperitur privilegium , nec scitur  
de tali permissione Ecclesiæ.

§. 4. *Silv.* & *Nugn.* putant peccari tantùm  
venialiter, si mulier ministret ad altare, sed con-  
tradicunt alii cum *Pasq. q. 342.* qui q. 343. cum  
*Gob.n. 394.* *Sporer n. 392.*, aliisque communiter  
dicit melius esse celebrare sine Ministro , quàm  
permittere mulierem servire ad altare. Ratio-  
nem dat *Sylv.p. 2. v. Missa Cafu 2.*, quia expre-  
sè prohibetur in Missali §. 10. De defectibus &  
*Cap. Inhibendum*, De cohab. Cler. & mulier. ubi  
sic statuitur. *Prohibendum quoque est*, ut nulla fœ-  
mina ad altare præsumat accedere aut presbytero  
ministrare, & si mulier in ecclesia tacere debeat , ut  
habetur i. ad Corinth. 14., multò magis abstinere à  
ministerio altaris. Idem prohibetur in *Synod.*  
*Colon. 1662. pag. 89.* Contradicit tamen *Verj.t.8.*  
a. §. cum *Marchant.*, dicens contrariam praxin,  
ut nempe fœminæ ministrent, esse ita commu-  
nem in missionibus , ut imprudentiæ foret eam  
condemnare , hinc absclutè dicit melius fore  
legere ministrante fœminâ quàm nullo , sed  
*Sporer* quamvis non damnet omnes , ubi con-  
fuetudo est , tamen meritò improbat ; & re ipsa  
hoc abrogandum esset.

§. 5. Filii ante ordinationem patris legitimè  
nati possunt patri suo ordinato ministrare, pro-  
hiben-

hibentur tamen sub mortali illud facere filii illi  
legitimè nati, nisi occultum esset, quia tum cessat  
indecentia, *Pasq. q. 389.*

390.

§. 6. Errores Ministri non sunt facilè in Mil-  
sa ipsa corrigendi, nam corrigendo turbabit or-  
dinem Missæ vel se ipsum vel circumstantes. Si  
tamen Minister aliquid non respondeat, Sacer-  
dos ipse suppleat dicendo. *Gob. t. 3. n. 399. Quar-*  
*ti q. prœm. s. 2. p. 2.*, ubi docet Rubricas circu-  
ritus ab alio quam Sacerdote servandos esse so-  
lùm directivas, nec obligare sub culpa. Addit  
*Gob. n. 402.* si quis in summo altari celebret &  
Minister omittat pulsus ad *Sanctus*, moneri  
posse, ut quærat campanulam; si autem sub ele-  
vatione negligat pulsare, dissimulandum esse,  
quia tum admonere esset se ipsum turbare in  
sanctissimo mysterio.

391.

§. 7. Illi, qui instruuntur pro ministratioне  
Missæ, admonendi sunt, ut quam voce Sacerdos  
celebrat, ipsi æquè altâ respondeant: Item ut in-  
tegrè dicant ea, quæ ab ipsis dicenda sunt, sæpe  
enim miserè trucant exprimendo tantum pri-  
ma & ultima verba, ac delinquunt etiam Sacer-  
dotes, qui antequam Minister edixerit sua, præ-  
ripiunt verba ante finem nimium properando.

392.

Q. 55. *Quid addendum sit circa lumen.* & seqq.  
§. 1. Qui sine necessitate vel causa adhibet uni-  
cum tantum lumen, peccat tantum venialiter,  
*Bassus*: Estque etiam probabile cum *Pasq. q.*  
*725.* quamvis plures probabilius contradicant,  
quod in gravi necessitate celebrari possit sine  
ullo lumine, quia non est secundum se necessa-  
rium ob reverentiam, sed tantum ex præcepto  
Ecclesiæ, à quo excusat gravis necessitas. Et quia  
sæpe fit, ut quando pueri inserviunt, obliviscan-  
tur